



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 13. Navarræ Rex ad ejurandam Sectam a Regis emissariis sollicitatus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

„tia hoc possim, & debeam, nulla mihi
 „Religio est; cum enim sacro ordine
 „præcipue impulsore hoc sanctum bel-
 „lum susceptum sit, hinc, ut sacri belli
 „sumptus sacer ordo luat, necesse est,
 „volo itaque, ut cuncti suas opes ad hoc
 „bellum conferant, quia Nobilitas, meum-
 „que ærarium nimis exhausta sunt.

His dictis, cum Præses primum, &
 dein Mercatorum Præfectus, postremo
 & Cardinalis Guisus suppliciter inter-
 cedere vellent, Rex illos interpellans
 non jam verbis, sed factis opus esse
 agebat, & imposito silentio hæc ira
 commotus subjunxit: „satis igitur fuis-
 „set, meis parere consiliis, ac pacis
 „commodo frui, nunc enim video, quod
 „sæpius monui, sedentibus, & otiosis
 „procul a periculo quam facilius sit
 „bellum decernere, quam gerere, at-
 „que adeo vereor, ne dum novæ sectæ
 „concionatoribus bellum indicitur, an-
 „tiquæ Religioni periculum creetur: „
 cum autem rursus illi replicare vellent,
 Rex secessit, illosque valere iussit.

§. XIII.

*Navarræ Rex ad ejurandam Sectam
 a Regis emissariis sollicitatus.*

Insperhabita hac verborum asperitate
 Rex magis prudentiæ legibus con-
 gruum fore credebat, si temporum ini-

Thuan. Es
 Davil. l. c.
 Journal de
 Henri II.
 tom. I. p. 7.
 Mem. p. 339.

Hist. Eccles. Tom. L.

S

quitati

Sæcul. XVI.
A.C. 1585
 quitati cederet, ac priusquam suas copias in aciem educeret, Navarræ Regem placare satageret, eumque ejuratis Calvinii erroribus ad sua studia pertrahere niteretur, eapropter Philippum Lenoncurtium Rabesinum Abbatem, & Ordinis sancti Spiritus Equitem unicum Brularto Præsidente, & Poinio ad Navarrum ablegabat: cum ergo hi Deputati die vigesima quinta Augusti Neraurum, ubi Navarræ Rex agebat, venissent, ad alloquium admissi juxta mandata sibi data validissimas quasque rationes adhibebant, ut nuperi edicti revocationem excusarent, Regemque Navarrum toto studio hortarentur, quatenus ad Ecclesiæ Catholicæ sinum reverteretur, Regique Urbes hucusque usurpatas redderet, & sepelita indignatione aliquamdiu cederet, donec nata temporis opportunitate utrique parti satisfieri posset: præterea Lenoncurtius de Synodo proxime celebranda spem eidem Regi facere, eique exponere jubebatur, quod Franciæ Rex, si sine masculula prole decederet, abs dubio ægerime laturus esset, si ipse a Regni Successione ob Religionis diversitatem excluderetur.